



# ԸՅԴ սոցիալ - տնտեսական քաղաքականության հիմնադրույթները

Երևան  
օգոստոս  
2018

# ԲՈՎԱՆԴԱԿՈՒԹՅՈՒՆ

ՆԱԽՄԲԱՆ.....	3
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ՔԱՂԱՔԱԿԱՆՈՒԹՅՈՒՆԸ. ՀԻՄՆԱԽՆԴԻՐՆԵՐ ԵՎ ՄԱՐՏԱՀՐԱՎԵՐՆԵՐ.....	7
ՍՈՑԻԱԼ-ՏՆՏԵՍԱԿԱՆ ՀԱՄԱԿԱՐԳԻ ԶԱՐԳԱՑՄԱՆ ՀՅՐ ՄԿԶՐՈՒՆՔՆԵՐԸ ԵՎ ՍՈԱՆՑՔԱՅԻՆ ՍՈՏԵՑՈՒՄՆԵՐԸ.....	15
ՍՈՑԻԱԼ-ՏՆՏԵՍԱԿԱՆ ԲԱՐԵՓՈՒՄՈՒՄՆԵՐԻ ՀՅՐ ՀԱՎԱՔԱԿԱՆ ԼՈՒԾՈՒՄՆԵՐԸ.....	23
Ներառական տնտեսական աճի քաղաքականություն.....	23
Սոցիալական արդարությանը եվ կյանքի որակի բարելավմանը միտված քաղաքականություն.....	30
Կայուն զարգացմանը միտված քաղաքականություն.....	39

Սույն նախագիծը նշակվել է ՀՅՐ Բյուրոյի տնտեսական հետազոտությունների գրասենյակի կողմից: Նախագիծը բովանդակում է Հայաստանի սոցիալ-տնտեսական զարգացմանը վերաբերող ՀՅՐ հիմնարար մտտեցումները, սկզբունքներն ու հավաքական լուծումները:

Նախագիծը դրվում է հանրային բաց քննարկման՝ հրապարակայնացնելու, առաջարկներ ստանալու և շահագրգիռ քննարկումների արդյունքներով առաջ քաշված հիմնադրույթները բարելավելու նպատակադրմամբ:

Լրամշակված նախագծի վերջնական տարբերակը ևս կհրապարակվի և ՀՀ Սզգային ժողովի առաջիկա ընտրություններին ընդառաջ՝ հիմք կարող է հանդիսանալ ՀՅՐ նախընտրական ծրագրի համար:

Նախագծին և նրա սեղմագրին կարելի է ծանոթանալ նաև [www.arfd.info/hy/?p=45879](http://www.arfd.info/hy/?p=45879) հղումով:

Նախագծի վերաբերյալ առաջարկները կարելի է ուղարկել [research@arfd.am](mailto:research@arfd.am) էլեկտրոնային հասցեով:





## ՆԱԽԱԲԱՆ

Սահմանադրության հանաձայն՝ Հայաստանի Հանրապետությունը ինքնիշխան, ժողովրդավարական, սոցիալական, իրավական պետություն է: Սոցիալական պետությունն ապահովում է իր քաղաքացիների տնտեսական և սոցիալական իրավունքները և բարեկեցությունը: Նրան է վերապահվում իր քաղաքացիների սոցիալ-տնտեսական բարեկեցության և կյանքի որակի առաջանցիկ աճի ապահովման առանցքային դերը՝ հիմնված հնարավորությունների հավասարության և սոցիալական արդարության, եկամուտների արդար վերաբաշխման և արժանապատիվ կյանքի նվազագույն պայմաններն ինքնուրույն ապահովել չկարողացող անձանց պետական առաջնային աջակցության սկզբունքների վրա:

Սոցիալական պետության մեկնաբանությունները բազմաթիվ են: Թե՛ ձախակողմյան, թե՛ աջակողմյան ուժերի զգալի մասն ընդունում է սոցիալական պետության սկզբունքը՝ որպես այլընտրանք չկարգավորվող ազատական տնտեսավարմանը և պետական սոցիալիզմին:

ՀՅԴ համար սոցիալական պետության հիմնական առաքելությունը Հայաստանի յուրաքանչյուր քաղաքացու համար աղքատությունից զերծ կյանքի ապահովումն է, սեփական երկրում արարելու, ստեղծագործելու և արժանապատիվ ապրելու համար անհրաժեշտ պայմանների ստեղծումը: Ընդ որում՝ աղքատություն ասելով հասկացվում է «բազմաչափ աղքատությունը», երբ մարդը զուրկ է ոչ միայն իր ֆիզիկական գոյությունն ապահովող եկամտից, այլև զրկված է պատշաճ կրթություն և առողջապահական ծառայություններ ստանալու հնարավորությունից, ոտնահարվում է նրա արժանապատվությունը, մշտապես առկա է բռնության սպառնալիքը: Հայաստանում աղքատության հաղթահարման կարևորագույն ուղղություններից է հոգևոր



աղքատության հաղթահարումը՝ որպես բարձր արժեհամակարգով նոր սերունդ և նոր հասարակություն ձևավորելու անհրաժեշտ նախապայման:

Սոցիալական պետությունն իր քաղաքացուն պետք է պաշտպանի շուկայի կանայականություններից, թույլ չտա, որ շուկայական մրցակցության և, առավել ևս, անառողջ մրցակցության ու տնտեսական ճգնաժամերի պայմաններում քաղաքացին միայնակ մնա առարկայական դժվարություններին դեմ հանդիման:

Սոցիալական պետությունը հիմնված է երեք հենասյուների վրա՝

- ❑ սոցիալական արդարություն,
- ❑ սոցիալական պատասխանատվություն,
- ❑ սոցիալական համագործակցություն:

Պետությունը սոցիալ-տնտեսական քաղաքականություն մշակելիս և կիրարկելիս պարտավոր է խթանել շուկայի բոլոր սահմանակիցների սոցիալական պատասխանատվությունը և համագործակցությունը՝ ի շահ երկրի ներառական զարգացման:

Սոցիալական պետության ընկալումը բխում է ՀՅԴ-ի տնտեսական և սոցիալական բնագավառների հիմնարար արժեքներից՝ ազատություն, արդարություն, համերաշխություն:

**Ազատությունը** բացառում է որոշումների կայացումը պարտադրանքի կամ սպառնալիքի տակ: Դրանով կանխվում են պետության կողմից քաղաքացու նկատմամբ ոտնձգությունները կամ հասարակական կյանքի տարբեր բնագավառներում կանայական սահմանափակումները: Իրական ազատության կարելի է հասնել այն դպքում, երբ ապահովված են տնտեսական նախադրյալները, հավասար հնարավորությունները, մարդն ունի սոցիալական



երաշխիքներ, որոնք ապահովում են նրա ազատ կանաարտահայտությունը և ազատորեն որոշումներ կայացնելու հնարավորությունը: Որևէ քաղաքացու ազատությունը չի կարող ապահովվել այլ քաղաքացիների կամ հասարակության հաշվին: Ազատության սահմանափակումները պետք է լինեն կշռադատված, կարգավորվեն օրենքով և լինեն համընդհանուր:

**Արդարությունը** պահանջում է տնտեսությունում ստեղծված արդյունքի ոչ թե հավասար, այլ արդար բաշխում և վերաբաշխում: Արդար բաշխումը պետք է ենթադրի տնտեսվարման հիմնական գործոնների համար համարժեք հատուցում՝ եկամտի ստացում (աշխատավարձ, շահույթ, տոկոս, ռենտա, վարձավճար և այլն), հատկապես՝ կատարած աշխատանքի դիմաց համարժեք վարձատրություն: Արդար վերաբաշխումը պետք է ենթադրի ազգային եկամտի այնպիսի վերաբաշխում, որը կապահովի կյանքի որակի բարձրացման համար անհրաժեշտ և սոցիալական աջակցության համարժեք երաշխիքներ՝ անկախ ընտանեկան դրությունից, սեռից, տարիքից, սոցիալական ծագումից, այլ տարբերակիչ հատկանիշներից և պայմանավորված անձի ու նրա ընտանիքի համակողմանի գնահատված սոցիալական կարիքներով, կյանքի դժվարին իրավիճակում հայտնված լինելու հանգամանքով:

**Համերաշխությունը** մարդկանց՝ միմյանց նկատմամբ պատասխանատվություն կրելու և փոխադարձաբար օգնելու պատրաստականությունն է: Հարկերի միջոցով ֆինանսավորվող սոցիալական քաղաքականությունը հասարակության համերաշխության դրսևորումներից է: Սակայն համերաշխությունը չի կարելի սահմանափակել միայն պետության՝ ազգային եկամուտը արդար վերաբաշխելու գործառնությամբ: Համերաշխությունը հասարակության շաղախն է: Մյն իրար է կապում ուժեղին և թույլին, հարուստին և աղքատին, երիտասարդին և տարեցին, գործատուին և աշխատողին: Որևէ ազգ կամ պետություն չի կարող դիմագրավել արտաքին մարտահրավերները, եթե այն համերաշխ չէ: Դաշնակցության ընկալմամբ հասարակության համերաշխությունը լոկ բարեգործություն կամ ակտրոփզմ չէ, համերաշխությունը գոյատևման և ազգի տեսլականին հասնելու գրավականն է՝ կյանքի որակի շոշափելի առաջընթացի և կայուն զարգացման ապահովման անփոխարինելի նախապայմանը:



Այսպիսով՝ ՀՅԴ տնտեսական և սոցիալական **քաղաքականության առանցքային նպատակը** Հայաստանում աղքատության կանխարգելումն ու վերացումն է, նարդկանց արժանապատիվ ապրուստի համար եկամտի անհրաժեշտ աղբյուրների և կայուն զարգացման համար արդյունավետ նա-կարդակի ապահովումը, որակյալ և հասանելի կրթություն, առողջապահական և նշակութային ծառայություններ ստանալու հնարավորության ընձեռումը, ազատ կանքի դրսևորման նկատմամբ բռնության բացառումը:

Հետևաբար՝ տնտեսական զարգացմանը զուգահեռ և հավասարապես պետք է կարևորվի սոցիալական ներառականությունը և կյանքի որակի տե-սանելի փոփոխության համար անհրաժեշտ ու արդար պայմանների ապահո-վումը:



## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ՔԱՂԱՔԱԿԱՆՈՒԹՅՈՒՆԸ. ՀԻՄՆԱԽՆԴԻՐՆԵՐ ԵՎ ՄԱՐՏԱՀՐԱՎԵՐՆԵՐ**

Մակախությունից ի վեր Հայաստանի տնտեսական քաղաքականությունը և դրա հիմնական արդյունքները կարելի է ներկայացնել հետևյալ բնութագրիչներով՝

- ❑ պետական սեփականության առավելագույն մասնավորեցում և պետական սեփականության հնարավորին կրճատում,
- ❑ տնտեսության ուղղակի կարգավորումից պետության հեռացում և կարգավորման անուղղակի մեթոդների կիրառում,
- ❑ ազգային արժույթի դրամական զանգվածի սահմանափակ քանակության սկզբունքի արմատավորում, որը ծառայում է արժեզրկման զսպանակ. ազգային արժույթի թողարկման պայմանավորում ՀՆԱ-ի ցուցանիշի դինամիկայով և Կենտրոնական բանկի պահուստային ֆոնդում առկա ու երկիր նտնող պահուստային արժույթների զանգվածով,
- ❑ արտաքին առևտրային սահմանափակումների և հովանավորչական գործիքների աստիճանաբար կրճատում,
- ❑ տարածքային համաչափ զարգացման քաղաքականության ոչ բավարար գործիքակազմ ու արդյունքներ,
- ❑ սոցիալական նվազագույն երաշխիքների ապահովման և աղքատության մակարդակի կրճատման, աշխատանքի խթանման և իրավունք-



ների պաշտպանության, կայուն զբաղվածության և ինքնագրադավածության, աշխատաշուկայի արդյունավետ հավասարակշռության ապահովման և կառուցվածքային գործազրկության կրճատման ոլորտներում պետական կարգավորման և աջակցության ոչ լիարժեք գործիքակազմ և հնարավորություններ:

Միջազգային զարգացումների և օրինաչափությունների ուսումնասիրությունը փաստում է, որ անցած դարի 90-ական թվականներից, երբ աշխարհում նոր թափ էր առնում նեոլիբերալ տնտեսական մոդելի ներդրումն ու խրախուսումը, մենք այլևս ականատես չենք եղել «տնտեսական հրաշքների», երբ զարգացող երկիրը, մի քանի տասնամյակում ունենալով արագացված տնտեսական աճ, մոտենում է զարգացած երկրներին: Մյս մոդելի գլոբալ կիրառման ընթացքում մենք ականատես ենք լինում պետությունների հարստության բևեռացման, աղքատության ավելացման և, որն ամենաանհանգստացնողն է, պետական պարտքի շեշտակի և անկառավարելի աճի:

Հայաստանի տնտեսության առարկայական դժվարությունների էական մասը վերագրելի են թերզարգացած ենթակառուցվածքներին, արտահանման այլընտրանքնային ճանապարհների սահմանափակությանը, պատերազմին և դրա սպառնալիքին, հարևանների կողմից տնտեսական շրջափակմանը, 1988 թ. աղետալի երկրաշարժին, տնտեսական կացութաձևի փոփոխությանը: Մնվիճելի է նաև կոռուպցիայի, հովանավորչության և անկատար սրցակցության ազդեցությունը: Սակայն, նույնիսկ վերոնշյալ երևույթների բացակայության պայմաններում, առաջարկված տնտեսական քաղաքականության պարագայում Հայաստանի տնտեսության վիճակը չէր կարող ապահովել բավարար ներառականություն: Չի կարող առողջ և առաջանցիկ աճ գրանցվել մի իրավիճակում, երբ տեղի են ունենում պետական ռեսուրսների ու հնարավորությունների շարունակական կրճատում, ազգային արժույթի քանակի կոշտ սահմանափակում, ոչ բավարար ֆինանսավորման արդյունքում՝ տնտեսական զարգացմանը նպաստող գործոնների ազդեցության շարունակական նվազում: Գործող մոդելի շրջանակներում, երբ անհրաժեշտ էր փակել բյուջեի պակասուրդը ու փողի լրացուցիչ զանգված բաց չթողնել շուկա, որը կարժեգր-





կեր ազգային արժույթը և կառաջացնել արտարժույթի պակասուրդ երկրում, այդ հնարավոր արժեզրկումը «հանգցվեց» արտաքին արժույթային պարտքի ավելացման հաշվին: Վերջին տարիներին տարածաշրջանի և Հայաստանի հիմնական առևտրային գործընկեր երկրների արժույթների արժեզրկումը տեղի ունեցավ ավելի մեծ տեմպով, քան հայկական դրամինը, ինչի արդյունքում մեր ընկերությունները, հատկապես՝ գյուղմթերք վերանշակող և արտահանող, կորցրեցին իրենց մրցունակությունը արտահանման շուկաներում:

Պետության սեփականության և տնտեսությանը մասնակցության կրճատումը հանգեցրել է դրանց արդյունքները տնօրինելու, տնտեսական անհրաժեշտ խթանները սեփական օրինակով իրացնելու իրավունքի և հնարավորությունների սահմանափակման:

Փաստորեն պետությունն իր կարգավորիչ գործառույթը պատվիրակեց շուկային՝ ապավինելով դրա կարգավորիչ ուժին: Պետական սեփականության առավելագույն նվազեցման կողմնակիցները հիմնականում բերում են այն փաստարկը, թե «պետությունը ոչ արդյունավետ սեփականատեր և վատ կառավարիչ է, մասնավորն այդ ամենն ավելի լավ կիրականացնի»: Այդպես է արդյոք:

Ակնհայտ է, որ խնդիրը ոչ թե սեփականության ձևի, այլ կառավարման որակի մեջ է՝ ներառյալ հավասար մրցակցային պայմանները: Վատ կառավարիչներ կան նաև մասնավոր հատվածում: Այս պնդումը հիմնավորվում է, երբ դիտարկվում է սեփականության և կառավարման տարանջատման սկզբունքի տեսանկյունից: Ավելին՝ պետական համակարգի անարդյունավետությունը և կոռուպցիան տարածվում են նաև մասնավոր հատվածում: Հայաստանի օրինակով ևս կարող ենք արձանագրել, որ չկա որևէ մասնավորեցված խոշոր ենթակառուցվածքային կամ ռազմավարական ընկերություն, որը մասնավորեցումից կամ մասնավոր կառավարմանը հանձնելուց հետո արդյունավետ է աշխատել առանց պետության կողմից տրամադրված հատուկ արտոնությունների և (կամ) սակագների բարձրացման: Այսինքն՝ մասնավորեցված «հաջողակ» տնտեսավարող սուբյեկտների հաջողության գաղտնիքը բարձրացված



ասկագներն են և մենաշնորհային կամ արտոնյալ պայմանները, որոնք չէին կիրառվում պետական կառավարման պայմաններում:

Արդյունավետ կառավարվող պետական սեփականությունը և դրա արդյունքում ստացված շահույթը հասարակական բարիք է, որի առաջնային և անմիջական շահառուները երկրի բոլոր քաղաքացիներն են: Սասնավոր հատվածի շահույթի առաջնային շահառուն մասնավոր սեփականատերն է, ով ստանում է դրա հիմնական մասը: Հետո միայն հաջորդում են երկրի մյուս քաղաքացիները՝ մասնավորի վճարած հարկերի հաշվին եկամուտների վերաբաշխման միջոցով:

Կարգավորվող շուկայական մոդելով պետություններում պետական մասնակցությամբ ընկերությունները հաջողությամբ գոյատևում են մասնավորի հետ մրցակցային շուկայում և համարժեք օգուտ են բերում պետությանն ու դրա առաջնային շահառուներին: Պետական արդյունավետ սեփականությունը և տնտեսական մասնակցությունը պետությանը թույլ է տալիս առանց պետական պարտքի ավելացման լուծել մի շարք կարևոր խնդիրներ՝

- ❑ պետական բյուջեն եկամուտներ է ստանում ոչ միայն հարկերից, այլև շահաբաժնից, եկամուտների այդ մասը դառնում է առավել կանխատեսելի,
- ❑ ներդրումների տեսքով պետական ակտիվները առավել պաշտպանված են արժեզրկումից,
- ❑ պետությունը տնտեսության մեջ ֆինանսական հոսքերի մի մասի նկատմամբ ուղղակի վերահսկողության շնորհիվ ունենում է լրացուցիչ հնարավորություն՝ արտարժույթի պահանջարկի ճնշումները թուլացնելու և ազգային արժույթի կայունությունն ապահովելու համար,
- ❑ տարածքային համաչափ զարգացման ուղղակի խթանումը և պետական ձեռնարկություններում նոր աշխատատեղերի ստեղծումը, կառուցվածքային գործազրկության կրճատումը,



☒ ռազմավարական նշանակության ոլորտներում ուղղորդված և թիրախային ներդրումային քաղաքականության իրականացումը:

**Հայաստանի տնտեսական մարտահրավերները** պայմանականորեն բաժանվել են մակրոտնտեսական, աշխարհաքաղաքական, միկրոտնտեսական ուղղությունների:

**Նեոլիբերալ մակրոտնտեսական** քաղաքականությունը սահմանափակում է տնտեսության մեջ պետության մասնակցային և կարգավորիչ դերը, իսկ կոշտ դրամավարկային քաղաքականությունը սահմանափակում է շրջանառության մեջ գտնվող դրամական զանգվածը՝ ապախթանելով ներքին պահանջարկը:

**Աշխարհաքաղաքական** գործոնները դուրս են պետության անմիջական կառավարումից: Սրանք առաջ են բերում այնպիսի հիմնախնդիրներ, որոնց լուծումը մեծապես գտնվում է ոչ թե տնտեսական, այլ քաղաքական հարթությունում: Սյս խնդիրներից կարելի է առանձնացնել՝ Հայաստանի փաստացի շրջափակումը և դեպի ծով ելքի բացակայությունը, ինչը թանկացնում է արտաքին առևտրի գործառնական ծախսերը, պատերազմի սնտական սպառնալիքը և ռիսկը, իսկ որպես հետևանք՝ պաշտպանության վրա ծախսվող պետական զգալի միջոցները:

**Միկրոտնտեսական** հիմնախնդիրներն առնչվում են ձեռնարկությունների տնտեսական արդյունավետությանն ու մրցունակությանը: Սյսօրվա գլոբալացվող տնտեսության պայմաններում **փոքր շուկան** լրացուցիչ մրցակցային անհավասար պայմաններ է ստեղծում հայաստանյան ընկերությունների համար: Գործնականում արտահանող ձեռնարկությունները նախ հաջողություններ պետք է գրանցեն ներքին շուկայում, որպեսզի կարողանան բավարար միջոցներ կուտակել միջազգային շուկա դուրս գալու համար: Բացի այդ՝ գործունեության սահմանափակ տիրույթն էապես նվազեցնում է ձեռնարկությունների մրցունակությունը, քանի որ հաստատուն որոշ ծախսեր կախված չեն շուկայի ծավալից: Փոքր շուկան նաև սաստկացնում է մրցակցությունը և



մեծացնում սննուպոլիաներ կամ օլիգոպոլիաներ ստեղծելու ձգտումը: Արդյունքում փոքր ու միջին խաղացողների համար գործունեության դաշտն էապես փոքրանում է, մինչդեռ հայտնի է, որ փոքր ու միջին ձեռնարկություններն ավելի ճկուն են ու նորարար, միջին խավի ձևավորման հիմքն են: Փոքր ու միջին ձեռնարկությունները հնարավորություն են տալիս ազատ ինքնադրսևորվելու, ապահովում են աշխատատեղի ազատ ընտրության և սեփական բիզնեսով սեփական բարեկեցությունն ապահովելու հնարավորություն: Փոքր ու միջին ձեռնարկատերերը ավելի ազատ են իրենց քաղաքական որոշումներում:

Փոքր շուկայի պարագայում արհեստական գնանկումներով մենաշնորհները կարճաժամկետում կարող են սպառողների համար թվացյալ դրական դեր կատարել, բայց արդեն միջնաժամկետում, մրցակցության բացակայության պայմաններում, ապրանքների ու ծառայությունների գներն աճում են: Մոռոջ մրցակցության բացակայության պայմաններում ձեռնարկությունները շահագրգռված չեն կիրառել նորարարական լուծումներ, նվազեցնել իրենց արտադրական ծախսերը, բարելավել արտադրանքի որակը: Սվեդին՝ առկա է իրական շահագրգռվածություն սովերային գործունեության համար: Սովետում են գտնվում հիմնականում քաղաքական և վարչական լծակներին տիրապետողները: Սովերը ոչ միայն չնուծված հարկ է, այլև աղճատված մրցակցություն: Աղճատված մրցակցության հետևանքով առաջին հերթին տուժում են փոքր և միջին ձեռնարկատերերը, խաթարվում է ներդրումային միջավայրը, շուկայից դուրս են մնում կարող ուժերը, որոնք ունակ են զարգացնելու տնտեսությունը, նվազեցնելու արտադրված ապրանքների ու սատուցվող ծառայությունների գները, բարձրացնելու օրինական զբաղվածության մակարդակը: Եկանուտների վերաբաշխումն ի օգուտ մենաշնորհների հանգեցնում է սոցիալական քնեռացման և աղքատության խորացման:

**Սահմանափակ մրցակցությունը** մենաշնորհները դարձնում է ոչ միայն ապրանքի ու ծառայության միակ մատակարար կամ գնորդ, այլև հիմնական գործատու: Մշխատաշուկայում պահանջարկի սահմանափակ մրցակցությունը, սովերային զբաղվածության բարձր մակարդակը բացասական նախադրյալներ են ստեղծում սոցիալական գործընկերության կայացման, աշխատող-



ների իրավունքների արդյունավետ ու լիարժեք պաշտպանության, արդար գնագոյացման և սոցիալ-աշխատանքային լրացուցիչ երաշխիքների ձևավորման համար: Մյուս կողմից՝ գաղտնիք չէ, որ Հայաստանում անապահովության նպաստ ստացողների մի մասն ընդգրկված է ոչ ֆորմալ հատվածում՝ ունի աշխատանք կամ ինքնագրաված է (որոշ դեպքերում նույնիսկ ավելի բարձր գուտ եկանուտ է ստանում, քան ֆորմալ զբաղվածները) կամ հրաժարվում է առաջարկվող օրինական աշխատանքից՝ աշխատավարձի և նպաստի միջև ոչ էական տարբերության պատճառով: Աշխատուժի մի մասը գրանցված ձեռնարկություններում աշխատում է առանց աշխատանքային պայմանագրի կամ, գրանցված աշխատավարձից բացի, ստանում է նաև ոչ ֆորմալ վարձատրություն: Միգուցե այսօր չգրանցված աշխատուժն ավելի էժան է, ինչը որոշակիորեն մեծացնում է աշխատուժի պահանջարկը, սակայն այսօրվա չգրանցված աշխատողները վաղը զրկված կլինեն կենսաթոշակ ստանալու հնարավորությունից, իսկ այսօր արդեն զրկված են առկա սոցիալ-աշխատանքային երաշխիքներից:

Ակնհայտ է, որ հայաստանյան ձեռնարկատերերից շատերն ինքնուս են, չեն ստացել պատշաճ բիզնես-կրթություն և գործարար որոշումներ կայացնելիս առավելապես առաջնորդվում են «ինչպես բոլորն, այդպես էլ ես» սկզբունքով: Ձեռնարկությունների մեծամասնությունն ի գորու չէ ներկայացնելու վարկունակ ծրագիր: Սրա վառ ապացույցն է նաև այն, որ նույնիսկ համաշխարհային ֆինանսական ճգնաժամի տարիներին հայաստանյան բանկերում առկա էր և դեռևս առկա է լիկվիդայնության էական ավելցուկ:

2017-2018 թթ. ակտիվացել են պետության՝ գործարարությանը և համայնքային զարգացմանը միտված ծրագրերը: Մասնավորապես, պետությունը մասնավոր տնտեսավարողներին առաջարկում է ֆինանսական միջոցներ (վարկ, լիզինգ), ներդրումների խոստման դիմաց մասնավոր տնտեսավարողներին տրամադրվում է պետական գույք: Սակայն այս ծրագրերի աշխարհագրական բաշխումը փաստում է, որ Հայաստանի առավել թույլ զարգացած մարզերում պետական համաֆինանսավորմամբ իրականացվող ծրագրերը համեմատաբար ավելի քիչ են, քան տնտեսապես առավել զարգացած մարզերում:



Հանայնքային տնտեսության աճի էական ազդեցություն ունեցող գործարար ծրագրերի համաֆինանսավորումը, որը պետության կողմից դրական և անհրաժեշտ քայլ է, կարիք ունի թույլ զարգացած տարածքների համաչափ զարգացման ապահովման տեսանկյունից նոր ստեղծումներով լրացուցիչ լուծումների:

**Գյուղատնտեսությունը** Հայաստանում ունի տնտեսական զարգացման, սոցիալական արդարության հաստատման և տնտեսական անվտանգության ապահովման համար էական նշանակություն: Գյուղատնտեսությունը լոկ ագրոբիզնես չէ, և գյուղատնտեսությանը չի կարելի վերաբերվել որպես գործարարության տեսակի, որտեղ գործում են շուկայական մրցակցության օրենքները՝ ուժեղը հաղթում է թույլին և զբաղեցնում նրա տեղը: 90-ականների սկզբին սեփականաշնորհվեց հողը, գյուղացին մնաց հողի հետ մենակ՝ պետությունից ստանալով նվազագույն օգնություն: Վերջին տարիներին գյուղատնտեսությանը տրամադրվող օժանդակությունը հիմնականում ուղղված է եղել խոշոր գյուղատնտեսական բիզնեսներին և գյուղատնտեսական ծառայություններ մատուցող ընկերություններին՝ այն ակնկալիքով, որ վերջիններս կկարողանան գյուղատնտեսության զարգացման շարժիչ ուժը դառնալ: Սյս ստեղծումը բավարար չէ՝ հաշվի առնելով, որ գյուղատնտեսության արտադրանքի բացարձակ մեծամասնությունն արտադրվում է տնային տնտեսությունների կողմից, և վերջիններիս տնտեսական կայուն զարգացումը երկրի տնտեսության ներառական աճի ապահովման հիմնական գործոններից է:



## **ՍՈՑԻԱԼ-ՏՆՏԵՍԱԿԱՆ ԸԱՄԱԿԱՐԳԻ ԶԱՐԳԱՑՄԱՆ ԸՅԴ ՍԿԶԲՈՒՆՔՆԵՐԸ ԵՎ ԱՌԱՆՅՔԱՅԻՆ ՄՈՏԵՅՈՒՄՆԵՐԸ**

Համաշխարհային տնտեսության գլոբալացման և զարգացման արդի մարտահրավերների պարագայում ակնհայտ է դառնում, որ ինքնակառավարվող շուկայի գաղափարախոսության վրա հիմնված տնտեսական քաղաքականությունը չի կարող ապահովել տնտեսության այն ներառական աճը, որը կերաշխավորի սոցիալական արդարություն և երկարատև կայուն զարգացում: Շուկան պետք է ենթարկվի պետական անհրաժեշտ կարգավորման, որպեսզի ապահովի ստեղծված ազգային եկամտի արդար վերաբաշխումը հասարակության անդամների միջև, որպեսզի կարճաժամկետ տնտեսական հաջողությունների հասնելու նույուցքը չձևավորի անարդյունավետ տնտեսական կառուցվածք՝ անտեսելով երկրի համեմատական առավելություններն ու զարգացման երկարաժամկետ իրական ներուժը, չստիպի անխնա շահագործել բնական պաշարները, աղտոտել շրջակա միջավայրը: Շուկայի անտեսանելի ձեռքը չի կանխում տնտեսական ճգնաժամերը և քաղաքացիներին չի ապահովագրում շուկայական ռիսկերից: Ավելին՝ չկարգավորվող ազատ շուկան հանգեցնելու է խոշորի կողմից փոքր ձեռնարկատիրության կլանմանն ու տնտեսական մրցակցության մակարդակի կտրուկ անկմանը: Համաշխարհային տնտեսության զարգացման պատմությունը վկայում է, որ ձախողվել են ինչպես շուկայական արմատականությունը, այնպես էլ շուկայավարման սկզբունքի լրիվ վերացումը:

Դաշնակցությունը, որպես ընկերվարական և ժողովրդավարական կուսակցություն, հավատում է շուկայական տնտեսությանը, բայց այն համոզմունքին է,



որ պետությունը՝ կարգավորման, վերաբաշխման ու մակրոտնտեսական կառավարման համալիր գործառնությունով, պետք է ունենա խթանիչ, հակակշռող դեր տնտեսության մեջ և կանխարգելի կամ նվազագույնի հասցնի շուկայի ձախողման հետևանքները:

Կարգավորվող շուկայական տնտեսությամբ սոցիալական ու ժողովրդավարական երկիր ունենալու ՀՅԴ տեսլականը հիմնված է **երեք հիմնական սկզբունքներով** ձևավորվող սոցիալ-տնտեսական ներառական զարգացման հայեցակարգի վրա.

- ❑ առաջանցիկ տնտեսական աճ,
- ❑ սոցիալական ներառականություն և արդարություն,
- ❑ կայուն զարգացում:

ՀՅԴ սնտեցմամբ՝ այս երեք սկզբունքները հավասարապես պետք է ձևավորեն սոցիալական պետության զարգացման սողերը՝ հիմք ընդունելով նաև սոցիալ-դեմոկրատական ուղղվածության տնտեսական քաղաքականության հիմնարար սկզբունքներն ու նպատակադրումները:

## **Առաջանցիկ տնտեսական աճ**

Տնտեսությունը պետք է զարգանա ոչ թե շուկայական, տարերային սնտեցմամբ, այլ՝ պետական անհրաժեշտ կարգավորման զուգորդմամբ ձգտի տնտեսության առավելագույն ներուժին:

Տնտեսության ներուժը պետք է ունենա երկրի համեմատական առավելությունների անրապնդման և նորարարական լուծումներով ընդլայնման կայուն և տեսանելի հիմք՝ երկարաժամկետում իրական գործադրումների համար անհրաժեշտ միջավայրով:





Զուգահեռաբար և փոխադարձության սկզբունքով տնտեսական զարգացումը պետք է անշեղորեն ուղենշվի սոցիալական ներառականությամբ, որտեղ անփոխարինելի է տնտեսության պետական նպատակային կարգավորումը և ակտիվ մասնակցությունը:

Տնտեսական աճը բարեկեցության անհրաժեշտ, բայց ոչ բավարար պայման է: Որպեսզի ապահովվի անհատի և հասարակության բարեկեցությունը, անհրաժեշտ է, որ տնտեսական աճի արդյունքից օգտվի ողջ հասարակությունը, աճն իր վրա զգա յուրաքանչյուր անհատ և ընտանիք: Համախառն ներքին արդյունքի մեխանիկական աճը չի կարող և երբեք չի բերել համընդհանուր բարեկեցության աճի, եթե արդյունքն արդարացիորեն չի բաշխվել և վերաբաշխվել հասարակության անդամների միջև: Զարմանալի չէ, որ բնակչության էական մասը խիստ թերահավատորեն է վերաբերվում ՀՆԱ-ի աճի պաշտոնական վիճակագրությանը: Նույնիսկ եթե աճը կա, այդ աճի բարիքներից բնակչության զգալի մասը չի օգտվում, քանի որ աճի արդյունքները բաշխվում են սոցիալական արդարության սկզբունքին հակառակ: Ավելին՝ մեծանում է հարուստների և աղքատների միջև գոյություն ունեցող անդունդը:

## **Սոցիալական ներառականություն և արդարություն**

Դաշնակցությունը առաջ է քաշում սոցիալական վիճակի բազմաշերտ ու տեսանելի բարելավման և հասարակության կյանքի որակի բարձրացման համընդհանուր և հիմնարար հետևյալ մոտեցումը. շուկայի դասական «**անտեսանելի ձեռքի**» ուժը պետք է լիարժեք լրացվի «**պետության տեսանելի ձեռքի**» ուժով՝

- ❑ հասարակության համար սեփական երկրում ստեղծելով իրական պայմաններ արժանապատիվ և նվիրված աշխատանքի, կրթական մակարդակի ու իր աշխատանքի արտադրողականության բարձրացման, սրբակցային և նորարարական ձեռներեցության համար,



- ❑ հայրենական և օտարերկրյա գործարարների համար ստեղծելով ազատ և արդար պայմաններ երկարաժամկետ ներդրումների, կորպորատիվ պատասխանատվության մշակույթ ձևավորելու, հանրային բարիքներ ստեղծելու, սոցիալական ներդրումներին և խնդիրների լուծմանը ինստիտուցիոնալ մասնակցություն և պատրաստակամություն ունենալու համար,
  
- ❑ պետության համար ամրագրելով լիարժեք պատասխանատվություն՝ ազատ, արդար և համերաշխ հասարակության ձևավորման, ժողովրդագրական իրավիճակի խորացող հիմնախնդիրները հետևողականորեն լուծելու համար, կոռուպցիայից զերծ, մրցակցային և անվտանգ զարգացման ինստիտուցիոնալ միջավայր ապահովելու համար, աշխատողների սոցիալ-աշխատանքային իրավունքների և նվազագույն երաշխիքների իրացումը, գործատուներին պետական ակտիվ աջակցությամբ աշխատաշուկայում անմրցունակ անձանց կայուն զբաղվածություն և գործազրկության բնական մակարդակ ապահովելու համար, տնտեսության բնական մենաշնորհները նպատակային կառավարելու, տնտեսության հեռանկարային, հատկապես աշխատատար ճյուղերի և տարածքային համաչափ զարգացմանը թիրախավորված պետական աջակցություն տրամադրելու և մասնակցություն ունենալու համար, սոցիալապես խոցելի խմբերին (սոցիալապես անապահով, հաշմանդանություն ունեցող և կյանքի դժվարին իրավիճակում հայտնված այլ անձինք) առաջնահերթության սկզբունքով ուղվող պետական հասցեական ծրագրեր իրականացնելու համար, պետական արդյունավետ աջակցությամբ կրթական, առողջապահական ծառայությունների հասանելիության և մատչելիության ապահովման, առողջ և արժանապատիվ ծերության համար անհրաժեշտ նվազագույն պայմանների ձևավորման, հասարակության համար ընդունելի և արդյունավետ կենսաթոշակային ապահովման նոր համակարգի ձևավորման համար:



**Սոցիալական արդարությունը** Դաշնակցության համար հիմնական օրակարգ է: Սոցիալական արդարությունը սոցիալական պետության հիմքն է, այն երաշխավորում է հասարակության համերաշխությունը: Համերաշխությունը չի կարող լինել առանց սոցիալական արդարության:

Սոցիալական արդարության և պարետո արդյունավետության սկզբունքների միջև հակասություն չկա: Հանրային բարիքներ ստեղծելով և հասանելի դարձնելով՝ գործնականում հնարավոր է հասարակության մի անդամի բարեկեցությունը ավելացնել առանց մյուսի բարեկեցության նվազման: Մասնավորապես, պետության կողմից հավաքվող գումարների հաշվին հնարավոր է կառուցել հասարակության բոլոր խմբերի համար հասանելի առողջապահական և կրթական որակյալ համակարգեր:

Դաշնակցությունը ձգտում է սոցիալական լիարժեք երաշխիքներով հասարակության, որտեղ յուրաքանչյուրն ունի նյութապես ապահովված արժանապատիվ կյանքի իրական պայմաններ՝ անկախ շուկայի վայրիվերումներից, որպեսզի մարդն ազատորեն կարողանա մասնակցել երկրի հասարակական և քաղաքական կյանքին: Սոցիալական արդարությունը չի ենթադրում խորհրդային բացարձակ «հավասարություն», այն չի հակասում աշխատանքն՝ ըստ քանակի և որակի վարձատրելու շուկայական սկզբունքին: Հավասարությունը չի հանգեցնում արդարության, բայց սոցիալական արդարությունը հանգեցնում է նրան, որ յուրաքանչյուր ոք վարձատրվի իր ներդրմանը, աշխատանքին համարժեք:

Ազատ տեղաշարժի սահմանափակումներ չկիրառող, մոբիլ աշխատուժ ունեցող այնպիսի պետությունում, ինչպիսին Հայաստանն է, սոցիալական անբարենպաստ պայմաններն ու սոցիալական անարդարության զգացումը հանգեցրել են արտագաղթի ահագնացող ծավալների: Արտագնա աշխատանքն ու արտագաղթը նվազեցնում են երկրի տնտեսական ներուժը:



Հանրության լայն զանգվածներին ազգային ոգով և արժեքներով դաստիարակելը հնարավոր է միայն նրանց սոցիալական կենսամակարդակի բարձրացման պայմաններում: Աղքատության հաղթահարումը ոչ միայն սոցիալ-տնտեսական, այլև ազգային անվտանգության և պաշտպանունակության առումներով մեծ նշանակություն ունի:

Պատմությունը ցույց է տալիս, որ սոցիալական ապահովության բարձր մակարդակ ապահոված երկրները եղել են նաև տնտեսական հաջողություններ գրանցած պետություններ: Սոցիալական ապահովությունը և արդյունավետ պաշտպանությունը բարձրացնում է անհատական աշխատանքային նվիրվածությունն ու պատրաստականությունը:

Սոցիալական արդարության հաստատումը վերաբերում է նաև **սեփականության իրավունքի** արդյունավետ պաշտպանությանը: Սեփականությունը և ժառանգության իրավունքը պետք է երաշխավորվեն, բայց միաժամանակ սեփականատերը պետք է ունենա հասարակության նկատմամբ սոցիալական պարտավորություններ և պատասխանատվություն: Սեփականությունը պետք է ծառայի ոչ միայն սեփականատիրոջ շահերին, այլև հանրային բարօրությանը: Սեփականատիրոջ սոցիալական պատասխանատվությունը Դաշնակցության տնտեսական հայեցակարգի հիմնական ստեղծումներից է: Հասարակական բարեկեցությունից առավել մեծ բաժին ստացողը դրա դիմաց պետք է ավելի մեծ պատասխանատվություն ստանձնի հասարակության առաջ:

Տնտեսապես զարգացած և սոցիալապես արդար պետություններում **սոցիալ-աշխատանքային լրացուցիչ երաշխիքների** ապահովումը դարեր շարունակ իրականացվում է սոցիալական երկխոսության, կոլեկտիվ բանակցությունների և սոցիալական գործընկերության զարգացման միջոցով: Այս հարթակում ազդեցիկ և աճող դերակատարում ունեն արհեստակցական միությունները՝ որպես աշխատանքային իրավունքի, կոլեկտիվ պայմանագրերի պահանջների կատարման նկատմամբ ոչ պետական վերահսկողություն իրականացնող ինստիտուտ:



Դաշնակցությունը իրապես անկախ, ներկայացուցչական ու հզոր **ափ-միությունները** դիտում է որպես հանրապետական, ճյուղային, տարածքային և կազմակերպության մակարդակներում սոցիալական գործընկերության համակարգի կայացման և զարգացման համար առարկայական անհրաժեշտ պայման, և հետևաբար նաև՝ արդարության ու սոցիալական պետության հիմնասյուներից մեկը:

### **Կայուն զարգացում**

Պետության քաղաքականությունը պետք է ուղղված լինի բնական ռեսուրսների գերշահագործումը բացառելուն, շրջակա միջավայրի, այդ թվում՝ մարդու կյանքի և առողջության վրա բացասական ազդեցությունը նվազեցնելուն, բնական ռեսուրսների համալիր կառավարմանը և դրանցից ստացվող եկամուտների արդար բաշխմանը հասարակության բոլոր անդամների միջև: Բնական ռեսուրսները՝ հողը, ընդերքը, ջուրը, կենդանական ու բուսական աշխարհը, անտառը, բնական լանդշաֆտներն ու մթնոլորտային օդը, համաժողովրդական սեփականություն են: Այս բնական կապիտալը ոչ միայն ներկա, այլև ապագա սերունդների բարեկեցության համար է: Մինչդեռ դրանց անխնա ու չհամակարգված շահագործումը, դրանցից ստացված եկամուտները ոչ միայն բավարար չափով չեն նպաստում քաղաքացիների բարեկեցության աճին, այլև խնդիրներ են հարուցում ներկայի և ապագայի առումով:

Կայունությունը զուտ բնապահպանական գործոն չէ: Կայուն զարգացումը պահանջում է, որ պետության քաղաքականությունը միտված լինի նաև վաղվա բարեկեցության ապահովմանը:

Հայաստանի նման ծերացող և ժողովրդագրական խորացող այլ խնդիրներով հասարակությունում աղքատության պահպանվող բարձր մակարդակի պայմաններում և, հատկապես, երբ նպատակադրվում է գիտելիքահեն տնտեսության կայուն զարգացումը և հավասարապես՝ սոցիալական ներառականությունը, **Դաշնակցությունը հանդգնում է.**



սոցիալական պետությունը առանցքային ներդրում և խթանիչ նաանակցություն պետք է ունենա ժողովրդագրական խնդիրների լուծման և աշխատաշուկայի երկարաժամկետ որակյալ առաջարկի ապահովման ուղղությամբ, կյանքի որակի բարելավման, ներառյալ՝ սոցիալական պաշտպանության, կրթության և առողջապահության ոլորտներում, ինչպես նաև սոցիալական ու տնտեսական ենթակառուցվածքների զարգացման, հատկապես՝ բնական մենաշնորհների համալիր կարգավորման և նպատակային կառավարմանը գործուն նաանակցություն ապահովելու ուղղություններով:



## ՍՈՑԻԱԼ-ՏՆՏԵՍԱԿԱՆ ԲԱՐԵՓՈԽՈՒՄՆԵՐԻ ԸՅԴ ԸՎԱՔԱԿԱՆ ԼՈՒԾՈՒՄՆԵՐԸ

Հակադրվելով նեոլիբերալ մոտեցումներին՝ Դաշնակցությունը հանդես է գալիս պետության տնտեսական կարգավորման, նպատակային և ակտիվ մասնակցության օգտին: Պետությունը պարտավոր է միջամտել, երբ շուկայական մրցակցությունը չի ապահովում տնտեսական աճ, խաթարում է սոցիալական արդարությունը և սասանում երկրի կայուն զարգացման հնարավորությունը: Սերժելով թե՛ կոնունիզմը, թե՛ ինքնահոսի թողնված կապիտալիզմը՝ Դաշնակցությունը առաջ է քաշում համընդհանուր և հիմնարար հետևյալ մոտեցումը. **շուկայի դասական «անտեսանելի ձեռքի» ուժը պետք է լիարժեք կերպով լրացվի «պետության տեսանելի ձեռքի» ուժով:** Դաշնակցությունը գիտակցում է, որ կան շուկայական տնտեսությամբ երկրներ, որտեղ բացակայում է ժողովրդավարությունը, բայց տնտեսական հաջողություններ ունեցող բոլոր սոցիալական պետությունները ժողովրդավարական են: Դաշնակցության ժողովրդավարությունն առաջնահերթ միտված է սոցիալապես խոցելի խմբերի, աշխատողների, գյուղացիական փոքր տնտեսությունների, փոքր և միջին ձեռնարկատերերի սոցիալ-աշխատանքային և տնտեսական իրավունքների ու շահերի պաշտպանությանը: Դաշնակցությունը դասակարգային պայքարի կողմնակից չէ, ճանաչում է սեփականության բոլոր ձևերը (պետական, հանայնքային, մասնավոր), ողջունում է ստեղծագործ աշխատանքի միջոցով անհատի ձգտումները և բարեկեցության շարունակական աճը:

### ՆԵՐԱՌԱԿԱՆ ՏՆՏԵՍԱԿԱՆ ԱՃԻ ԲԱՂԱՔԱԿԱՆՈՒԹՅՈՒՆ

Ինչպես արդեն տեսանք, անկախացումից ի վեր Հայաստանում առկա և դեռևս չլուծված սոցիալական խնդիրների բնույթն ու տարածվածությունը, որոնք բազմաչափ են և հիմնականում արդյունք են տնտեսության տարերա-



յին զարգացման ու շուկայի ձախողումների, օբյեկտիվորեն պարզ են դարձնում, որ պետությունը պետք է լիարժեք պարտավորություն և ակտիվ դերակատարություն ստանձնի տնտեսության կայուն զարգացման ապահովման գործում: Պետությունը պետք է վերադառնա շուկա՝ շտկելու շուկայի ակնհայտ բացթողումները, խթանելու առողջ մրցակցությունը և ստանձնելու խոցելի առանձին տարածաշրջանների, տնտեսական ենթակառուցվածքների զարգացման շարժիչ ուժի դերը:

**Սոցիալական ներառականության և կյանքի որակի** տեսանելի փոփոխության համար անհրաժեշտ է նվազագույն մակարդակն ապահովող (ապագա միջնաժամկետում՝ առնվազն տարեկան միջինը 7 տոկոս, երկարաժամկետում՝ առնվազն 5 տոկոս) կայուն տնտեսական աճ, որը պիտի հիմնված լինի հետևյալ հիմնական **մակրոգործոնների** վրա՝

- ❑ առողջ մրցակցության և ներքին շուկայի արդյունավետ պաշտպանության ապահովում,
- ❑ ներքին պահանջարկի և արտահանման խթանում, ներմուծման փոխարինում,
- ❑ գործարար և ներդրումային միջավայրի էական բարելավում, տարածքային համաչափ զարգացում,
- ❑ աճի առաջնային բևեռների ձևավորման և ակտիվացման միջոցով տնտեսության արդյունավետության բարձրացում,
- ❑ հայկական սփյուռքի տնտեսական ներուժի առավելագույնս օգտագործում:

**Եկանուտների արդար բաշխման և ներքին շուկայի պահանջարկի խթանման** համար նախ անհրաժեշտ է իրականացնել **հարկային համակարգի և նվազագույն աշխատավարձի** կարգավորման արմատա-





կան վերափոխումներ: Հարկային քաղաքականության հիմքում պետք է դրվի՝ «շատից շատ, քչից՝ քիչ» սկզբունքը. մեծ եկամուտ ունեցողը պետք է վճարի հարաբերականորեն ավելի շատ հարկ, քան փոքր եկամուտ ունեցողը՝

- ❑ պրոգրեսիվ եկամտահարկի այնպիսի դրույքաչափերի սահմանում, որը լիարժեք հնարավորություն կտա մինչև որոշակի սահմանը (առնվազն՝ աղքատության վերին գծի կրկնապատիկը) ապահովել անձի իրական եկամուտների առաջանցիկ աճը,
- ❑ միջին աշխատավարձի բարձրացմանը համաչափ, տնտեսական ու սոցիալական գործոնների առարկայական հաշվառմամբ՝ սոցիալական գործընկերության միջոցով նվազագույն աշխատավարձի շարունակական բարձրացում, որը պետք է կայուն կերպով ապահովի նվազագույն աշխատավարձ – միջին աշխատավարձ հարաբերակցությունը 50–60 տոկոսի միջակայքում,
- ❑ գործուային եկամուտների (աշխատավարձ, շահույթ, դիվիդենտ, տոկոս, վարձավճար, ռոյալթի և այլն) հարկման տարբերակված և փոխկապված դրույքաչափերի սահմանում, որը գործնականում առաջնահերթ կերպով կխթանի ինովացիոն ներդրումների ներգրավումը, կայուն աշխատատեղերի ստեղծումը, անօրինական աշխատանքի և ստվերային վարձատրության կրճատումը,
- ❑ ռիսկերի վրա հիմնված պետական վերահսկողության առավելագույն վերաուղղում հարկային համակարգի ֆիսկալ գործառնայթի ապահովումից դեպի կարգավորիչ և խթանիչ գործառնայթի ապահովումը:

Հաշվի առնելով հայաստանյան ներքին շուկայի փոքր ծավալը՝ առանձին սպրանքային շուկաներում հնարավոր չէ բացառել **մենաշնորհ** և **գերիշխող դիրք** ունեցող տնտեսավարողների առկայությունը: Այսօրվա տուգանքներն ու գերիշխող դիրքի չարաշահումներից ստացված եկամուտներն



անհամեմատելի են: Անհրաժեշտ է մեծացնել տուգանքները գերիշխող դիրքի չարաշահումների համար, նախատեսել հակամրցակցային գործողության վնասի փոխհատուցման մեխանիզմ, հզորացնել հակամենաշնորհային պայքար իրականացնող պետական մարմնի ինստիտուցիոնալ կարողությունները: Սոցիալական արդարության և եկամուտների վերաբաշխման նպատակով այդ ընկերությունները օրենքի ուժով պետք է դառնան բաց բաժնետիրական ընկերություններ, որոնց բաժնետոմսերի նվազագույնը 30 տոկոսը ազատ բաժանորդագրման կներկայացվի բորսայում, ինչը կնպաստի նաև կորպորատիվ մշակույթի զարգացմանն ու հանրային վստահության հաստատմանը:

Մյուս կողմից, **քնական մենաշնորհները**, որպես սոցիալական և տնտեսական զարգացումը և անվտանգությունը պայմանավորող կարևորագույն ենթակառուցվածքային սակրոգործոն, Հայաստանի զարգացման առնվազն այս փուլում պետք է ոչ միայն անուղղակի կարգավորվեն պետության կողմից, այլև պետք է ունենան ուղղակի պետական մասնակցություն՝ կորպորատիվ կառավարման շրջանակներում որոշումներ կայացնելու հսկիչ փաթեթով:

Սշխարհաքաղաքական, տնտեսական անվտանգության և արտաքին տնտեսական ռիսկերի կառավարման ճկուն համակարգ ունենալու համար անհրաժեշտ է **արտաքին տնտեսական** տարբերակված քաղաքականության իրականացում՝ **տնտեսության ինովացիոն զարգացման և մարդկային կապիտալում** արդյունքահեն ներդրումների ներգրավման հիմնական նպատակներով: Սա օբյեկտիվորեն ենթադրում է միջազգային գործող արտոնությունների լիարժեք իրացում և թիրախավորված ընդլայնում, ինչպես նաև **հայկական սփյուռքի տնտեսական ներուժի** մասնակցային ներգրավման համար տեսանելի և կայուն հիմքերի ձևավորում, հարվածային և հատուկ խթանների ու արտոնությունների համակարգի ապահովում:

**Հայկական սփյուռքը**, լինի Ռուսաստանում, Եվրոպայում, Միջին արևելքում, Ամերիկաներում, վիթխարի տնտեսական գործոն կարող է հանդիսանալ, եթե ճիշտ ուղղորդվի: Սփյուռքի հայ գործարարները կարող են նպաստել ար-



տաքին շուկաների պահանջարկի աճին, ներդրումների ներգրավման, շուկայական և տեխնիկական հնտությունների փոխանցման գործին: Սփյուռքի հետ տնտեսական կապերի զարգացման ոլորտային ռազմավարության մշակումը առաջնահերթ քայլ է:

**Սրտաքին և ներքին ներդրումների,** տնտեսական անվտանգության հիմնական երաշխիքներից է միջազգային չափանիշներին համապատասխան արդար, անկախ և արդյունավետ դատաիրավական համակարգի ձևավորումը՝ ներառյալ արբիտրաժային դատարանները: Ներդրումների ներգրավման նպատակով պետք է առարկայական դիտարկվի ներդրումային ֆոնդի ստեղծումը և դրա կառավարման թափանցիկ կառուցակարգերի նախատեսումը՝ պետության, գործարարների, հասարակության այլ անդամների, սփյուռքի ներկայացուցիչների լայն մասնակցությամբ:

Հայրենական ապրանքների ու ծառայությունների (հատկապես՝ զբոսաշրջության ոլորտը) **արտահանման խթանման** համար, ի լրումն առկա գործիքների, անհրաժեշտ է ակտիվորեն և ծրագրված օգտագործել ՀՀ դեսպանատների, հյուպատոսարանների և առևտրային ներկայացուցչությունների հնարավորությունները, արտահանման սուբսիդավորումից ու ապահովագրությունից բացի՝ ներդնել պետական երաշխիքով առևտրի ֆինանսավորման արդի գործիքներ: Պետություն-մասնավոր համագործակցությամբ արտահանման լոգիստիկ կազմակերպությունների ստեղծումը և (կամ) խթանումը առանցքային նշանակություն ունի: Փոքր և միջին բիզնեսի զարգացման տեսանկյունից առավել կարևորվում է հավաքական բեռների ծառայությունների մատուցման դեպքում պետական արտոնության և աջակցության տրամադրումը:

Մշխարհում տարածված, պարզ և տարիներ շարունակ արդյունավետ գործիքները (գովազդ, այդ թվում՝ մեծ ճանաչում ունեցող սփյուռքի գործիչների ներգրավմամբ, զբոսաշրջային օպերատորների կարճաժամկետ վերապատրաստումներ, մրցութային կարգով պետական փոքր դրամաշնորհներ և այլն) պետք է լայն կիրառություն գտնեն Հայաստանի **զբոսաշրջության ոլորտում**



պետական համապատասխան ինստիտուտների, ինչպես նաև հայկական սփյուռքի գործուն անդամները: Առանցքում պետք է լինի էկոգրոսաշրջության և ագրոգրոսաշրջության զարգացումը՝ առկա ներուժի արդյունավետ օգտագործմամբ, պետության անմիջական մասնակցությամբ, բնության հատուկ պահպանվող տարածքներում պետական ծրագրերի իրականացմամբ, որը գյուղական համայնքների համար կապահովի լրացուցիչ եկամուտներ, կենսաբազմազանության պահպանություն և կայուն օգտագործման պայմանների ստեղծում:

**Ներուժման փոխարինման** քաղաքականությունը չի կարող արդյունավետ լինել, եթե գոնե պետական գնումների դեպքում նախապատվություն չտրվի տեղական արտադրողին: Նույնիսկ ամենա հզոր տնտեսություններ ունեցող երկրները, որոնք առաջնորդվում են ազատական գաղափարախոսությամբ, պետական գնումների դեպքում առաջնահերթություն են տալիս տեղական արտադրողին:

Պետական ակտիվ տնտեսական քաղաքականության համընդհանուր թիրախը պետք է ուղղված լինի նաև **աճի առաջնային բևեռների** (աճի կլաստերներ, աճի փնջեր) ձևավորմանն ու ակտիվացմանը՝ միջազգային տարածված դրական փորձի հիման վրա (ՄՍՆ, Ճապոնիա, Չինաստան, Իսրայել, Մալայզիա, Ֆրանսիա, Գերմանիա, Մինգապուր, Թուրքիա և այլն): Աճի բևեռներ պետք է լինեն փոքր և միջին ձեռնարկատիրությունը, աշխատատար և գիտելիքահեն ճյուղերը, ռազմական արդյունաբերության բարձր տեխնոլոգիատար որոշ բնագավառներ (գնահատված իրական ներուժի լիարժեք օգտագործմամբ), գրոսաշրջության տարբեր ձևերի համար առարկայական ներուժ ունեցող բնակավայրերը, խոշոր ներդրումային նախագծերով և նոր աշխատատեղեր ստեղծող առանձին ձեռնարկությունները (հատկապես՝ սահմանամերձ, լեռնային և բարձր լեռնային բնակավայրերում): Աճի բևեռների հետևողական խթանումը և դրական արդյունքը բազմապատկիչ իրական ազդեցություն կթողնի ողջ տնտեսության զարգացման վրա՝ դառնալով երկրի սրցակցային առավելության հիմք: Մասնավորապես, զարգացման կոնկրետ ծրագրերի համար պետք է սահմանվեն ստանդարտներ և դրանից բխող՝ պետական անդամության, արտոնություն-



ների և երաշխիքների փաթեթներ, դրանց կատարման նկատմամբ պետական վերահսկողության թափանցիկ կառուցակարգեր: Եթե պետության անուղղակի օժանդակությունը բավարար չէ աճի բնեղի զարգացման համար՝ հատկապես տարածքային համաչափ զարգացումն ապահովելու տեսանկյունից, ապա պետությունը պետք է ուղղակի միջամտի՝ ստեղծելով պետական ձեռնարկություններ, դրանք հետագայում զարգացնելով և փոխանցելով մասնավորին: Սահմանափակ սրբակցության պարագայում, առավելաբար փոքր ձեռնարկատիրությունն ունի տարբերակված, իրական խթանիչ կարգավորման և պետական մշտական հոգածության առարկայական արհրաժեշտություն:

**Գյուղատնտեսության** զարգացման համար անհրաժեշտ է կայուն եկամտաստեղծ և ինտենսիվ գյուղատնտեսական զբաղվածության պայմանների ու խթանների լիարժեք ձևավորում՝ «անապահովությունից կայուն զբաղվածություն» հիմնական սկզբունքով, այդ թվում՝

- ❑ ներդնել գյուղատնտեսության ոլորտում լիարժեք հաշվառման համակարգ և ըստ այդմ ձևավորվող առարկայական հնարավորությամբ՝ գյուղատնտեսական գործունեության պետական սուբսիդավորում, գյուղատնտեսական գործունեության ներառում կենսաթոշակի իրավունք սովոր աշխատանքային ստաժ մեջ,
- ❑ պետական մասնակցությամբ փոփոխել ներդնել գյուղատնտեսության ռիսկերի ապահովագրություն կամ բնական աղետների վնասների փոխհատուցման այլընտրանքային գործուն համակարգ,
- ❑ բարելավել գյուղատնտեսական ենթակառուցվածքները, ներառյալ՝ ոռոգման համակարգերի արդիականացումը, մատչելիության և ծածկույթի ընդլայնումը, գյուղատնտեսության մեքենայացման աստիճանի բարձրացումը,
- ❑ ապահովել գյուղատնտեսական մթերքի՝ գյուղացու համար արդյունավետ իրացման ժամանակակախից նոր գործիքներ,



- ❑ իրթանել գյուղատնտեսական կոոպերատիվների ձևավորումը և արդյունավետ զարգացումը,
- ❑ բարելավել գյուղատնտեսական կրթության և խորհրդատվության համակարգը,
- ❑ հստակ նույնականացնել Հայաստանի բնակլիմայական պայմաններին և ներկա ու կանխատեսվող շուկայական (ներքին և արտաքին) պահանջարկին համապատասխան բուսաբուծության ուղղությունները, որոնք կապահովեն գյուղատնտեսության առավելագույն արդյունավետություն,
- ❑ ձեռնարկել գործուն միջոցառումներ գյուղմթերքի և արտադրամիջոցների կորուստների կանխարգելման ուղղությամբ,
- ❑ գյուղատնտեսությամբ զբաղվողների համար ապահովել ֆինանսավորման տարբերակված և մատչելի պայմաններ և ժամանակակից գործիքներ,
- ❑ կիրառել բավարար հովանավորչական գործիքներ Հայաստանում արտադրվող գյուղատնտեսական արտադրանքի ներմուծման նկատմամբ:

**ՍՈՑԻԱԼԱԿԱՆ ԱՐԴԱՐՈՒԹՅԱՆԸ ԵՎ ԿՅԱՆՔԻ ՈՐԱԿԻ ԲԱՐԵԼԱՎՄԱՆԸ**

**ՄԻՏՎԱԾ ՔԱՂԱՔԱԿԱՆՈՒԹՅՈՒՆ**

Դաշնակցության առաջարկած տնտեսության պետական կարգավորման և մասնակցության հիմնական ստեղծումներն ու լուծումները, տնտեսական կայուն աճին զուգահեռ, պետք է հետևողականորեն հանգեցնեն **եկանոսների վերաբաշխման** երկարաժամկետ հետևյալ թիրախի փուլային ապահովմանը.

**տնտեսության մեջ ստեղծվող յուրաքանչյուր 1 ՀՀ դրամ ՀՆԱ-ի առնվազն 25 տոկոսը (2017 թ. շուրջ 12 տոկոսի փոխարեն), բնագավառների համար սահմանված թիրախներին ու ծրագրային առաջնահերթու-**



**թյուններին համաչափ, պետք է ուղղվի սոցիալական ոլորտին, ներառ-  
յալ՝ սոցիալական պաշտպանությունը, առողջապահությունը, կրթու-  
թյունը, մշակույթը:**

Պետական միջոցների կայուն ավելացմանը զուգահեռ՝ սոցիալական կա-  
րիքների և նախատեսվող ռեսուրսների համակողմանի գնահատման հենքի  
վրա անհրաժեշտ է մշակել և իրականացնել **սոցիալական պաշտպանու-  
թյան** պետական ու համայնքային վերաինաստավորված և արդիական նոր  
ծրագրեր, ամբողջականացնել շահառուների ներառման շրջանակը, սահմա-  
նել շահառուների խմբերի և տարածքային առարկայական առաջնահերթու-  
թյունները՝ յուրաքանչյուր քաղաքացու նվազագույն սոցիալական կարիքների  
բավարարման վերջնական պատակով:

Դաշնակցության համար առաջնային կարևորություն ունի **աշխատաշու-  
կայի պետական կարգավորումը** և աշխատողների սոցիալ-աշխատանքա-  
յին **իրավունքների և շահերի** համալիր պաշտպանությունը:

**Զբաղվածության** պետական կարգավորման ծրագրերը պետք է ամբող-  
ջապես վերաինաստավորվեն, ընթացակարգերը առավելագույնս պարզեց-  
վեն: Արդյունքի տեսանկյունից պետք է ենթարկվեն ամբողջական էլեկտրո-  
նային և նպատակային կառավարման, իսկ բովանդակային առումով պետք է  
դառնան գործատուների համար պետական տարբերակված սուբսիդավորում՝  
ամկա թափուր և նոր ստեղծվող աշխատատեղերն առաջնահերթ անմրցու-  
նակ անձանցով համալրելուն, երիտասարդների՝ կրթությունից աշխատաշու-  
կա անցման նոր լուծումների ապահովմանն ուղղված: Ծրագրերի ակնկալվող  
արդյունք պետք է սահմանվի գործագրուկի կայուն զբաղվածության ապահո-  
վումը (երեք տարուց ոչ պակաս) այն մոտեցմամբ, որ յուրաքանչյուր շահառու-  
ի համար ծրագրով ծախսված պետական միջոցները պետք է վերադարձվեն  
արդեն զբաղված շահառուի եկամտահարկով:

Մյուս կողմից՝ կայուն զբաղվածության ապահովման տեսանկյունից  
առանցքային են **աշխատատար ճյուղերը**, որոնք, տնտեսական արդյունք



ստեղծելուց բացի, ունեն էական սոցիալական նշանակություն անկախ այն փաստից, որ աշխատավարձերի մակարդակը որոշակիորեն ցածր է՝ համեմատած գիտելիքահեն և բարձր տեխնոլոգիական արդյունաբերության հետ: Նույնիսկ եթե շահութաբեր չեն, պետության համար առավել նպատակահարմար պետք է լինի աշխատատար ճյուղերի ձեռնարկությունների մասնակի սուբսիդավորումը՝ որպես անապահովության նպաստին այլընտրանք և տարածքային համաչափ զարգացման խթանման առարկայական գործիք:

Էապես կարևորվում է նաև **հաշմանդամություն ունեցող անձանց** զբաղվադավածության ապահովումը գործատուների համար պարտադիր ապահովման ենթակա աշատատեղերի պահանջի (քվոտաների) լիարժեք գործադրման, ինչպես նաև պետական մասնակցությամբ և անհրաժեշտ արտոնություններ նախատեսելու միջոցով՝ սոցիալական ձեռնարկատիրության (սոցիալապես խոցելի խմբերի զբաղվածություն ապահովող, սոցիալական նպատակ հետապնդող ձեռնարկատիրության տեսակ) կայացմամբ և զարգացմամբ:

**Նվազագույն աշխատավարձի** կարգավորման նոր մոտեցումները, բացի տնտեսականից, պետք է ապահովեն սոցիալական հետևյալ կարևոր արդյունքները՝

- ❑ ստեղծված հավելյալ արժեքի արդար բաշխում գործատուի և աշխատողի միջև,
- ❑ նվազագույն աշխատավարձի չափի պարբերաբար (առնվազն երկու տարին մեկ անգամ) վերանայում և հետևողական բարձրացում՝ հիմքում դնելով կենսաապահովման նվազագույն զանրյուղի փոփոխվող արժեքը,
- ❑ նվազագույն աշխատավարձի մեծությունը ազատել բոլոր տեսակի հարկերից և պարտադիր այլ վճարներից,
- ❑ «նպաստ, թե՛ աշխատավարձ» երկընտրանքի անբողջական լուծում՝ ի օգուտ օրինական աշխատանքի,





- ❑ աշխատող աղքատների թվի էական կրճատում և այս երևույթի հետևողական բացառում,
- ❑ ստվերային զբաղվածության և ոչ ֆորմալ վարձատրության կրճատում, համապատասխանաբար եկամտային հարկի գծով մուտքերի ավելացում՝ նաև պետական արդյունավետ վերահսկողության գործադրմամբ,
- ❑ վարձատրության մակարդակի բարձրացմամբ պայմանավորված՝ ապրանքների և ծառայությունների վճարման պահանջարկի ավելացում,
- ❑ սոցիալ-աշխատանքային իրավունքների հավասարակշռված պաշտպանության գործուն համակարգի ձևավորման իրական նախադրյալների ստեղծում:

Մյուս կողմից՝ աշխատողների սոցիալ-աշխատանքային իրավունքների լիարժեք պաշտպանությունը օբյեկտիվորեն պահանջում է սոցիալական գործընկերության զարգացում, ներառյալ՝ պետական աջակցությամբ **արհմիությունների** ինստիտուցիոնալ հզորացում և դերի հետևողական բարձրացում աշխատանքային օրենսդրության պահանջների կատարման նկատմամբ **ոչ պետական վերահսկողության** շրջանակներում: Զուգահեռաբար անհրաժեշտ է ՀՀ ստանձնած միջազգային պարտավորություններին համապատասխան՝ անբողջականացնել աշխատանքային օրենսդրության պահանջների կատարման նկատմամբ **պետական վերահսկողական համակարգը**՝ բարձրացնելով արդյունավետությունը, միաժամանակ բացառելով առկա և հնարավոր կոռուպցիոն ռիսկերը:

Դաշնակցությունը հանդգնում է, որ միայն տնտեսական աճը և սոցիալական լարվածության թուլացումը ինքնին բավարար չեն ծայրահեղ վիճակի հասնող **ժողովրդագրական** հիմնախնդիրների լուծման համար: Ժողովրդագրական իրավիճակի բարելավման և սարտահրավերների դիմակայման համար առաջնահերթ կարևորում է հետևյալ կայուն հիմքերի ապահովումը՝



- ❑ գործող սոցիալական աջակցության ծրագրերի այնպիսի վերախնամատավորում և նոր ծրագրային մոտեցումների ներդրում, որ հաջորդ երեխայի ծնունդը ընտանիքում դառնա զարգացման և սեփական երկրում ամրանալու նոր ու իրական հնարավորություն, այլ ոչ թե սոցիալական խնդիրները խորացնելու պատճառ,
- ❑ ներգաղթի ամենամյա պետական ծրագրի իրականացում հետևյալ գերակայություններով՝ վերջին 5-10 տարիներին արտագաղթած և արտերկրում դեռևս չհամարկված (չինտեգրված) երիտասարդների վերադարձ,
- ❑ «ուղեղների» արտահոսքից՝ ներհոսք, երիտասարդների շրջանում արտագաղթի տրանադրվածության նվազեցմանը և ստեղծված նոր հնարավորություններին միտված քարոզչություն, հայրենադարձությանը վերաբերող հատուկ արտոնությունների տրանադրում ու վերահամարկման համար անհրաժեշտ նվազագույն պայմանների ձևավորում ու զարգացում,
- ❑ զարգացմանը համահունչ ընտանեկան արժեքների վերախնամատավորում՝ նորովի պահպանելով ազգայինը,
- ❑ աշխատուժի շարժը կարգավորող միջպետական համաձայնագրերի կնքում հիմնական ընդունող երկրների հետ՝ անկանոն միգրացիայի կարգավորման, աշխատաշուկայի լարվածությունը թուլացնելու նպատակադրմամբ, երբ հստակ կսահմանվեն աշխատանքային ժամանակավոր միգրանտների վերադարձի հիմքերը,
- ❑ երիտիսարդներին ուղղված պետական ծրագրերի զարգացմանը զուգահեռ՝ գյուղական բնակավայրերում բնակարանաշինության պետական նպատակային նոր ծրագրերի իրականացում:

Նվազագույն աշխատավարձի բարձրացմանը զուգահեռ՝ պետք է պարբերաբար բարձրացվեն նաև **կենսաթոշակների ու անապահովության**



**Նպաստների** չափերը՝ հիմքում դնելով ինչպես պետական բյուջեի աճող հնարավորությունները, սոցիալական ոլորտին հատկացվող միջոցների առաջանցիկ աճի ապահովման սկզբունքը, այնպես էլ՝ կենսապահովման նվազագույն զանրյուղի փոփոխվող արժեքը: Պարբերաբար պետք է իրականացվի կենսաթոշակների, նպաստների, պետական հատվածում աշխատողների աշխատավարձերի ինդեքսավորում՝ նկատի ունենալով գնաճի փաստացի ցուցանիշները:

Մտիրաժեշտ է նաև արմատապես վերանայել **ընտանիքների անապահովության գնահատման համակարգը**, որը հանդիսանում է սոցիալական աջակցության քաղաքականության հիմնական, որոշիչ գործիքը: Գնահատման կիրառվող անուղղակի մեթոդն ունի ենթակայական բարձր աստիճան, հիմնականում պայմանավորված է սոցիալական աշխատողի ենթակայական գնահատումներով, նաև առկա են կոռուպցիոն բարձր ռիսկեր, խնդրահարույց է նպաստների հասցեականության տեսանկյունից: Սյս մեթոդը պետք է փոխարինվի ուղղակի մեթոդով, որի հիմքում առավելապես պետք է լինեն ընտանիքի եկամուտները, հավաստի և ստուգելի աղբյուրներից ձևավորվող այլ տեղեկատվություն: Մյուս կողմից՝ սոցիալական աջակցության պասիվ քաղաքականությունից պետք է անցում կատարել աղքատության հաղթահարման, զբաղվածության խթանման առավել ակտիվ՝ արդյունքի միտված քաղաքականության, որը պետք է լիարժեք ապահիթանի ամեն գնով նպաստի ստացման առկա ձգտումները՝ ի հաշիվ օրինական աշխատանքի կամ ինքնազբաղվածության:

**Անապահովության նպաստ պետք է ստանան այն աղքատ ընտանիքները, որոնց կազմում չկան աշխատանքային տարիքի աշխատունակ անդամներ: Աշխատանքային տարիքի աշխատունակ անձանց պետք է առաջարկվի պետական աջակցությամբ կայուն զբաղվածության կամ ինքնազբաղվածության ապահովում:**

Երկրները մշտապես փնտրում են առավել արդյունավետ եղանակներ՝ իրենց քաղաքացիների արժանապատիվ ծերությունը ապահովելու համար: Հայաս-



տանը ևս կարիք ունի **կենսաթոշակային բարեփոխումների** և նոր համակարգի մշակման: Հանրային վստահություն և աջակցություն ստանալու նպատակով հնարավոր ենք համարում նոր կենսաթոշակային համակարգին անցնելու հարցը դնել հանրաքվեի: Դաշնակցությունը կենսաթոշակային նոր համակարգի ձևավորման համար առաջարկում է **հետևյալ հիմնական սկզբունքները՝**

- ❑ սոցիալական ապահովություն՝ որպես անձի իրավունք և պետության դրական (պոզիտիվ) պարտավորություն,
- ❑ միջսերնդային և ներսերնդային համերաշխություն,
- ❑ սոցիալական ապահովության նպատակային վճարների կատարում պետական բյուջեի հատուկ հաշվին,
- ❑ գործատու, աշխատող, պետություն ամբողջական մասնակցության ապահովում,
- ❑ համարժեքություն՝ թոշակի չափի համար ելակետ պետք է հանդիսանա կենսաապահովման նվազագույն զանրյուղի արժեքը կամ տվյալ պահին երկրի միջին աշխատավարձի առնվազն 40 տոկոսը,
- ❑ օրինական աշխատանքի խթանում՝ աշխատանքային ստաժը նույնպես պետք է հաշվի առնվի թոշակի չափի որոշման համար:
- ❑ Սոցիալական արդարության հաստատման համար առաջնային նշանակություն ունի **սեփականության իրավունքի իրացումը**: Սոցիալական պետությունում մասնավոր սեփականությունը պետք է ծառայի նաև հանրային շահին: Դաշնակցությունը չի առաջարկում ազգայնացում կամ սեփականության վերաբաշխում, սակայն՝
- ❑ ներդրումներ ներգրավելու և նոր աշխատատեղեր ստեղծելու նպատակով սեփականաշնորհված և չօգտագործվող կամ ոչ նպատակա-



յին օգտագործվող գույքը պետք է հարկվի ավելի բարձր, քան համար-  
ժեք այլ գույքը՝ այնպիսի դրույքաչափով, որն իրական նախադրյալներ  
կստեղծի այդ գույքի նպատակային օգտագործման կամ օտարման  
համար,

- ❑ պետական գույքի նպատակային օտարումը մասնավորին պետք է պա-  
րունակի հստակ պայմաններ, ըստ որի եթե նոր սեփականատերը չի  
կատարում ներդրումային պարտավորությունները, ապա գույքի օտար-  
ման պայմանագիրը չեղարկվում է, իսկ պետությունն իրավունք է ունե-  
նում ստանալու կորցրած եկամուտը:

**Կյանքի որակի** և կայուն զարգացման ապահովման նպատակադրում-  
ների տեսանկյունից **առանցքային պետք է լինեն** նաև **առողջապահու-  
թյունը, կրթությունը, մշակույթը**: Այս համակարգերի արդյունավետու-  
թյանն ուղղված միջոցառումները ևս առարկայական անհրաժեշտություն  
են:

**Կրթական քաղաքականությունը** պետք է բխի ոչ միայն աշխատաշու-  
կայի առկա պահանջարկից, այլև առաջանցիկ լուծումներով որակյալ կադ-  
րերի պատրաստումը պետք է դիտարկվի որպես գիտելիքահեն և ինովա-  
ցիոն տնտեսության զարգացման իրական ու կայուն հիմք: Կրթության ոլոր-  
տում անհրաժեշտ են համարվում նաև հետևյալ բարեփոխումները՝

- ❑ նախադպրոցական կրթության, հանրակրթության և մասնագիտական  
կրթության պետական ֆինանսավորմամբ անվճար ապահովում՝ ծա-  
ռայությունների որակի ու մատչելիության գործուն երաշխիքների լիար-  
ժեք ներդրմամբ,
- ❑ կրթություն-աշխատաշուկա որակական կապի ապահովում՝ կրթական  
չափորոշիչների ամբողջական ներդրմամբ և աշխատաշուկայի իրական  
պահանջներին կրթության որակական պահանջների լիարժեք համա-  
պատասխանեցմամբ,



- ❑ մասնագիտական կողմնորոշման և վերանմանագիտացման արդյունավետ համակարգի ներդրում տարիքային բոլոր խմբերի համար, ինչպես նաև մասնագիտական ուսումնական հաստատություններում կարիերայի ուղորդման ծառայության արմատավորում,
- ❑ նախնական և միջին մասնագիտական կրթական ծրագրերում, մասնագիտականից զատ, ինքնագրադավաժության ապահովման՝ սեփական փոքր բիզնեսը հիմնելու լիարժեք գիտելիքների և հնտությունների տրամադրում:

**Առողջապահության ոլորտում** պետական աջակցության (ներառյալ առողջապահական պետական ապահովագրության միջոցով) հասցեականության ու առաջնահերթության հիմքում պետք է դրվի շահառուների խոցելիությունը, տարածքային համաչափ զարգացման նպատակադրումը: Առողջապահության ոլորտի բարեփոխումները պետք է ներառեն նաև ծառայությունների տարբերակված սակագների ձևավորման համար լիարժեք խթանների ապահովումը, հանրապետության ողջ տարածքում այդ ծառայությունների արդիականացումը, որակի ու մատչելիության բարձրացումը: Դաշնակցությունը կարծում է, որ օրակարգային պետք է մնան առողջապահության համակարգի ամբողջական էլեկտրոնային կառավարման գործիքների ներդրումը, ինչպես նաև առողջապահության պարտադիր պետական ապահովագրության փուլային ներդրումը նվազագույն բազային փաթեթով:

Որպես հիմնարդյունք՝ պետք է թիրախավորվեն վերարտադրողական առողջության բարելավումը, կյանքի միջին տևողության ավելացումը և սահացության ընդհանուր գործակցի նվազումը: Առողջապահական ծառայությունները չպետք է կենտրոնացվեն միայն մայրաքաղաքում. տարածքային համաչափ զարգացման քաղաքականության շրջանակում մարզերում պետք է ձևավորվեն և գործեն իրենց տեխնիկական և մասնագիտական հագեցվածությամբ Երևանի բուժհաստատություններին չզիջող բժշկական կենտրոններ:



**Մշակույթի ոլորտը** մեր ազգային ինքնության գլխավոր բաղադրիչներից է, և Դաշնակցությունը կարևորում է վերջինիս համակարգաստեղծ նշանակությունը կյանքի որակի բարելավման համար, ինչպես նաև բացառիկ դերակատարությունը կայուն զարգացման համատեքստում: Մշակութային ժառանգության պահպանությունը, զարգացումն ու կապիտալացումը պետք է մշտապես ուղեկցվեն պետության նպատակային աջակցությամբ: Պետական թիրախավորված ծրագրային աջակցության հիմքում պետք է դրվեն հոգևոր աղքատության հաղթահարումը, սկսնակ ստեղծարար նորարարությունների խթանումը, մշակութային բազմազանության քաջալերումն ու հասանելիությունը, մշակութային ազգային արժեքների հետևողական միջազգայնացումը, ինչպես նաև մշակութային կրթության և գեղարվեստական դաստիարակության համար ինստիտուցիոնալ լիարժեք հիմքերի ապահովումը:

Կայուն զարգացման և ժողովրդավարության հաստատման կարևոր նախապայմաններից է նաև սեռերի շահերի լիարժեք գնահատումն ու հավասար հնարավորությունների ապահովումը: Երկրի զարգացման, մրցունակության, անվտանգության, սոցիալական արդարության և համերաշխության շահը պահանջում է նաև հանրային կյանքի տարբեր ոլորտներում արդյունավետ օգտագործել կանանց ներուժը, պետական կառավարման բոլոր մակարդակներում հասնել կանանց հավասարակշռված ներկայացվածության:

Իրականացվող բազմոլորտ բարեփոխումներին զուգահեռ՝ բնակչության կյանքի որակի բարելավման արդյունքի ապահովման տեսանկյունից պետք է ձևավորել և շարունակաբար օրակարգում պահել հանրային իրազեկումների դրականակենտրոն թիրախավորումը, ինչպես նաև զանգվածային լրատվության տեղեկատվության որակի ու էթիկայի ապահովման կառուցակարգերի ներդրումը:

## **ԿԱՅՈՒՆ ԶԱՐԳԱՑՄԱՆԸ ՄԻՏՎԱԾ ԶԱՂԱՔԱԿԱՆՈՒԹՅՈՒՆ**

**Ենթակառուցվածքային ներդրումները** նպաստում են երկարաժամկետ տնտեսական աճին: Սակայն ենթակառուցվածքային մեծ ծրագրեր նախաձեռնելիս անհրաժեշտ է խուսափել «ենթակառուցվածքային ծու-



**դակից»**, երբ ծրագրի փաստացի ժամկետն ու բյուջեն բազմապատիկ գերազանցում են նախահաշիվը, ինչի հետևանքով չի ապահովվում ծրագրից ակնկալված արդյունքը: Այս դեպքում ծրագիրը դադարեցնելը ֆինանսական կառավարման տեսանկյունից կարող է արդարացված լինել, սակայն այդ որոշումն իր մեջ քաղաքական էական ռիսկ է պարունակում. գումար է վատնվել: Ծրագրի վրա փաստացի ավելի շատ գումար է ծախսվում, քան նախապես պլանավորված էր, հետևաբար՝ ծրագրված եկամտաբերությունը կամ ազդեցությունը տնտեսության վրա չի ապահովվում, և ծրագիրը դառնում է վնասաբեր:

Դաշնակցությունը, հստակ գիտակցելով ենթակառուցվածքային ծրագրերի կարևորությունը կայուն զարգացման տեսանկյունից, անհրաժեշտ է համարում նախապես լիարժեք և առարկայական հաշվարկել ենթակառուցվածքային ծրագրերի սոցիալական ու տնտեսական արդյունավետությունը և ռիսկայնությունը: Նաև նպատակահարմար է իրականացնել մի քանի առանձին ծրագրեր՝ մեկ խոշոր ծրագրի փոխարեն: Մի քանի առանձին ծրագրերի իրականացումը կարող է ապահովել նույն տնտեսական արդյունքը, ինչ մեկ միասնական ծրագիրը, բայց դրանցից մեկի ձախողումը չի հանգեցնի մյուս ծրագրերի ձախողմանը: Այդպիսի ծրագրեր կարող են լինել ջրամբարների շինարարությունը, պետական-մասնավոր համագործակցությամբ ճանապարհների շինարարությունը, ճանապարհային ցանցի ամբողջական ծածկույթի ապահովումը, հանրային տրանսպորտի որակի ու մատչելիության բարձրացումը և այլն:

**Բնապահպանական** առումով ընդունելի վիճակն ապահովում է կայուն զարգացման համար անհրաժեշտ հիմք՝ ստեղծելով ինչպես ներկա սերունդների միջև համերաշխության մթնոլորտ, այնպես էլ ապագա սերունդիների համար զարգացման հավասար պայմաններ: Այս մոտեցումը կիրառելու համար առաջնորդող պետք է հայտարարավեն և գործադրվեն բնական ռեսուրսների օգտագործման հետևյալ չափանիշները՝





- ❑ վերականգնվող բնական ռեսուրսների (ջուր, կենդանական և բուսական աշխարհի օբյեկտներ) օգտագործումը չպետք է գերազանցի դրանց վերականգնման ծավալները կամ նվազեցնի վերականգնման ունակությունը,
- ❑ չվերականգնվող բնական ռեսուրսների (օգտակար հանածոներ, հող) օգտագործման միջսերնդային հավասարաչափ բաշխում, դրանց օգտագործման հետևանքով առաջացող թափոնների համապատասխանեցում շրջակա միջավայրի կլանման, պահպանման և (կամ) վերափոխման բնական ունակության,
- ❑ չսպառվող բնական ռեսուրսների օգտագործման ծավալների ընդլայնում և դրանց կիրառում սպառվող ռեսուրսների ծավալների նվազեցման ու տեխնոլոգիական զարգացման գործում,
- ❑ անվտանգության բաղադրիչ համարվող բնական ռեսուրսների (ջուր, ձուկ և կենսադանակալ ու բուսական աշխարհի այլ օբյեկտներ) կուտակում և ռազմավարական պաշարների (Սևանա լիճ, ջրամբարների ընդլայնում և այլն) համալրում՝ դրանց քանակի և որակի անընդհատ բարձրացման միջոցով,
- ❑ թափոնների առաջացման կանխարգելման, կառավարման և հնարավորինս վերափոխման սցենարների կիրառում ցանկացած տիպի բնական ռեսուրսների օգտագործման ժամանակ,
- ❑ բոլոր տիպի բնական ռեսուրսների օգտագործումը պետք է ապահովի շրջակա միջավայրի վրա նվազագույն բացասական ազդեցություն (սերժանյալ մարդկանց կյանքն ու առողջությունը), և այս նպատակով պետությունը պետք է ունենա շրջակա միջավայրի վրա համալիր ազդեցության գնահատման լիարժեք գործող համակարգ,



- ❑ բոլոր տիպի տնտեսական նախաձեռնություններում առավելությունը պետք է տրվի նշված չափորոշիչներին առավել լիարժեք բավարարող ծրագրերին:

Այս չափանիշների կիրառումը թույլ կտա ոչ միայն պահպանել, այլև ապահովել բնական կապիտալի աճը՝ ապահովելով հասարակության յուրաքանչյուր անդամի կյանքի որակի անընդհատ բարելավում:



### **Վերլուծություն 1**

Կարագի գնի բարձրացման պատճառները:  
Մենաշնորհների դեմ պայքարի մեխանիզմները:



### **Վերլուծություն 2**

Վառելիքային շուկայի առկա հիմնախնդիրները  
և հնարավոր լուծման ուղիները ՀՀ-ում:



### **Վերլուծություն 3**

Շուսիս-հարավ ճանապարհային միջանցքի ներդրումային  
ծրագրի առկա վիճակը և խնդիրները:



### **Վերլուծություն 4**

Սանրաձախ առևտրի համակենտրոնացման  
միտումները ՀՀ-ում:



### **Վերլուծություն 4**

Միֆեր և իրականություն  
Պարտադիր կուտակային կենսաթոշակային համակարգի մասին



## **ՀՅԴ ԲԵՐՈՒՄԻ ԿՐԱՍԵՆՅԱԿԸ ՀԵՏԱԶՈՏՈՒԹՅՈՒՆՆԵՐԻ ԳՐԱՍԵՆՅԱԿ**

ՀՅԴ Բյուրոյի տնտեսական հետազոտությունների գրասենյակը կազմավորվել է 2017 թվականի ամռան ընթացքում: Գրասենյակի գործունեության հիմնական նպատակն է Հայ Յեղափոխական Դաշնակցության քաղաքական և սոցիալ-տնտեսական մարտավարության մշակումը և իրագործման մշտադիտարկումը (մոնիտորինգը):

[www.arf.am](http://www.arf.am)